



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

# Libertads concepziunalas en il federalissem: La politica da migraziun en ils chantuns



**Cumissiun federala per dumondas da migraziun CFM**  
Documentaziun davart la politica da migraziun

---

© 2011 Cumissiun federala per dumondas da migraziun CFM

**Auturas ed auturs**

Nicole Wichmann, Michael Hermann, Gianni D'Amato, Denise Efionayi-Mäder, Rosita Fibbi,  
Joanna Menet, Didier Ruedin  
Forum svizzer per studis da migraziun (FSM), Universitat da Neuchâtel  
Center da retschertga sotomo, Turitg

**Redacziu**

Simone Prodolliet, Elsbeth Steiner, Sylvana Béchon

**Traduczun**

Chanzlia federala

**Frontispizi**

Mäddel Fuchs, Hag um Hag, bilgerverlag

**Grafica e stampa**

Cavelti AG, Gossau

**Distribuziun**

UFEL, Uffizi federal per edifizis e logistica, CH-3003 Berna  
[www.bundespublikationen.admin.ch](http://www.bundespublikationen.admin.ch)  
Versiun entira dal studi en tudestg e franzos:  
Art.-Nr. 420.927 D; Art.-Nr. 420.927 F

Cumissiun federala per dumondas da migraziun CFM  
Quellenweg 6  
CH 3003 Berna-Wabern  
Tel. 031 325 91 16  
[www.ekm.admin.ch](http://www.ekm.admin.ch)

# Libertads concepziunalas en il federalissem: La politica da migraziun en ils chantuns

En december 2011

Nicole Wichmann, Michael Hermann, Gianni D'Amato,  
Denise Efionayi-Mäder, Rosita Fibbi, Joanna Menet,  
Didier Ruedin

# Pled sin via

«La Suisse est fédérative ou elle n'est pas.» Questa tesa che Napoleon ha formulà l'onn 1803 vala fin oz. Igl è evident ch'ella vala er per il sectur da la politica da migraziun. Gea, en quest sectur ha ella perfin ina relevanza speziala, damai che las libertads da giudicament e da concepiun dals chantuns èn considerablas concernent il dretg dals esters. En il cas extrem poi depender dal chantun da domicil sch'insatgi survegn in permis da dimora en Svizra u sch'el sto bandunar noss pajais. Las consequenzas dal sistem federalistic èn cunzunt manifestas per dumondas da naturalisaziun. D'in chantun a l'auter varie-schan ils termins da domicil ed outras cundiziuns per da-stgar dumandar la naturalisaziun. Plinavant han er las vi-schnancas in pled en chapitel e defineschan mintgamai atgnas cundiziuns.

Las cundiziuns generalas da la politica da migraziun a nivel federal èn definidas en diversas leschas che vegnan dentant realisadas en ils chantuns. Las autoritads chantunalas han damai la cumpetenza da dar permissiuns da domicil, da conceder reunions da famiglias u da valitar cas gravants.

La Cumissiun federala per dumondas da migraziun CFM ha vulì enconuscher pli exactamain la pratica concreta dals chantuns tar l'execuziun dal dretg dals esters, surtut en las domenas da la naturalisaziun, da las dimoras da lunga durada, da l'admissiun (reuniuns da famiglias e migraziun per motivs da lavour), da l'asil e da las reglas per cas gravants. Ella vuleva savair co ch'ils chantuns interpreteschan lur libertad da decider ed ella vuleva eruir las schanzas e las ristgas en quest connex.

Ils resultats da la retschertga mussan che las experientschas ed ils basegns differents da mintga chantun cundiziuneschan automaticamain ch'i vegn fatg diever da las pussaivladads e libertads da decider. Igl è interessant d'observar che la tendenza da realisar ina politica pli liberala u pli restrictiva na dependa betg mo da la regiun linguistica, ma er ed oravant tut dal grad d'urbanitat d'in chantun. Sco che las auturas ed ils auturs da la retschertga constattan, han ils chantuns pli urbans, che han ina quota d'esters bler pli auta ch'ils chantuns rurals, savens ina te-nuta pli liberala.

Ina ulteriura observaziun interessanta è che l'interpretaziun da disposiziuns legalas davart l'integrazion è

fitg differenta tut tenor il chantun. Entant che mo paucs chantuns fan diever da la pussaivladad da far cunvegna d'integrazion (sa basond sin las formulaziuns facultativas da la lescha), vegnan autres disposiziuns davart l'integrazion applitgadas tut tenor il giudicament da las autoritads cumpetentas. Per exemplu na vegn examinà en quasi nagin chantun il potenzial integrativ avant che decider sch'in ester duai survegnir in permis da lavour.

Il sistem federalistic ha avantatgs e dischavantatgs. D'ina vart permetta gist il federalissem da realisar ideas piunieras e projects innovatius e da chattar soluziuns ade-quatas en sviluppond concepts e programs da la politica d'integrazion. Da l'autra vart po il federalissem er cha-schunar tractaments ineguals d'in chantun a l'auter, ina situaziun particularmain problematica sch'ella ha conse-quentzas directas per ina persuna concreta, per exemplu en connex cun las cundiziuns per la reunion d'ina famiglia u cun il giudicament d'ina dumonda da naturalisaziun.

Sche la Svizra vul restar attractiva er en l'avegnir per persunas talentadas, sto ella senza dubi sviluppar mesiras d'armonisaziun en questa domena. Questa retschertga inditgescha divers secturs politics adattads per talas ten-tativias.



**Francis Matthey**

President da la Cumissiun federala  
per dumondas da migraziun CFM

# Resumaziun da la retschertga

Discrepanzas en la realisaziun da la politica da migrazion na tutgan betg mo en Svizra tar il mintgadi, ellas èn ina caracteristica dals stadi federalistics. Fin oz manca dentant ina retschertga sistematica da las differentas praticas en la Svizra federalistica. La Cumissiun federala per dumondas da migrazion ha supplitgà il Forum svizzer per studis da migrazion (FSM) d'examinar, nua ch'i dat talas differenzas, co ch'ins po declarar ellas e tge consequenzas ch'ellas han per las migrantas e per ils migrants che vivan en Svizra. Per reflectar uschè detagliadament sco pussaivel il stadi actual han ins analisà en ina retschertga la practica dals chantuns en ils suandants quatter secturs parzials dal dretg d'esters svizzer: la naturalisaziun, la dimora da lunga durada, l'admissiun e l'asil.

Perquai che l'integrazion da las migrantas e dals migrants pertutgads è in fatg che sto vegnir resguardàtar bleras decisiuns dal dretg d'esters en ils quatter secturs numnads, sa focusescha il cuntegn da la retschertga sin l'applicaziun da la noziun d'integrazion en la practica da permissiun dal dretg d'esters ed en la practica da naturalisaziun dals chantuns. I sa tracta pia da mussar a maun da tge criteris che las autoritads chantunalas decidan, sch'ina persuna estra ademplescha las pretensiuns d'integrazion ch'en fixadas per la naturalisaziun resp. per l'attribuzion d'ina permissiun dal dretg d'esters. La noziun «grad d'inclusiun» descriva las pretensiuns d'integrazion ch'en vegnidas fixadas da las autoritads. Perquai che las autoritads chantunalas fixeschan mintgammal pretensiuns d'integrazion da rigur diversa per las migrantas ed ils migrants, permetta il «grad d'inclusiun» da cumpareglier las praticas dals chantuns tranter pèr.

Questa retschertga na vul betg mo mussar las differenzas areguard il grad d'inclusiun da la practica dals chantuns. Ella vul er identifitgar ils facturs che declaran, co che talas differenzas resultan. Per permetter ulteriuras analisas ha il post da perscrutaziun sotomo preparà ina basa da datas statisticas davart las cundiziuns structuralas fundamentalas en ils chantuns. Questas datas cuntegnan ils indicaturs demografics, socioculturals e socio-economics disponibels davart la populaziun immigrada en ils differents chantuns, plinavant ils profils da tenuta da las votantas e dals votants en ils chantuns e lura las quotas da naturalisaziun standardisadas. En in segund pass vegnan examinadas differentas ipote-sas davart il connex tranter las cundiziuns structuralas fundamentalas en ils

chantuns e las diversas politicas da migrazion. Uschia pon ins responder la dumonda, quant enavant che cundiziuns fundamentalas sumegliantias han per consequenza politicas sumegliantias en ils chantuns.

Las datas rimmadas per questa retschertga sa basan sin differentas funtaunas. La gronda part da las infurmaziuns deriva dals 98 questiunaris (da 104 questiunaris tramess) che las autoritads chantunalas han empleni la primavaira 2011 e returnà al FSM. La seconda funtauna da datas èn las differentas statisticas uffizialas da l'Uffizi federal da statistica. Per discutar e per contextualisar las datas rimmadas èn vegnids fatgs trais discurs en gruppas e quatter intervistas cun singuls representants da las autoritads chantunalas. Questas datas èn vegnidas evauadas cun agid da differentas metodas da perscrutaziun qualitativas e quantitativas e transferidas en furma da text en quest rapport.

## Infurmaziuns da basa

### Cumpetenzas concepziunalas dals chantuns

Las libertads da giudicament e da concepziun da las autoritads chantunalas èn considerablas en il sectur da la migrazion, siond ch'ils chantuns han ina ferma posiziun en regard a la concepziun e la realisaziun da la politica da migrazion. Quai è d'ina vart perquai che bleras domeninas politicas che contribueschan a l'integrazion da la populaziun residenta estra èn chaussa dals chantuns (p.ex. la furmaziun, la sanudad, ils fatgs socials). Da l'autra vart è il federalissem d'execuziun ina pitga principala dal sistem politic svizzer. Tenor quest sistem ha la Confederaziun la cumpetenza legislativa, entant che l'execuziun è chaussa dals chantuns. Per ch'ils chantuns possian ademplier questa rolla concepziunala, als dat la legislaziun federala ina tscherta libertad da giudicament en l'applicaziun.

Quant gronda che la libertad da giudicament è dependa en emprima lingia dal fatg, sch'i sa tracta d'ina pretaisa legitima u sch'ina dumonda dependa dal giudicat chantunal. Sch'igl è ina pretaisa legitima ed igl exista damai l'obligaziun da conceder ina permissiun, èn las prescripziuns legalas regladas en moda uschè lianta che l'autoritat ch'appligescha il dretg n'ha nagina libertad

d'agir. Autra è la situaziun percuter, sche l'autoritat po decider – en il rom da ses giudicat – davart la concessiun d'ina permissiun u davart la naturalisaziun. Questa libertad da decisiun da las autoritads resulta savens, sche la lescha cuntegna uschenumnadas disposiziuns da natira «facultativa». Decisiuns tenor agen giudicat n'en betg arbitraras, perquai che las personas pertutgadas pon far recurs cunter las decisiuns. Ultra da quai èn las autoritads obligadas da resguardar tar mintga decisiun dal dretg d'esters tut las circumstanzas dal singul cas e da valitar quellas en maniera adequata.

Essenzialmain sa differenziescha la situaziun giuridica en Svizra tar la concessiun resp. tar la prolungaziun da permissiuns da dimora per burgaisas e burgais da stadiis da la UE/AECL e per burgaisas e burgais da terzs stadiis, pia da personas ch'immigreschan en Svizra d'ordaifer il territori da la UE/AECL. Per ils emprims vala – en dumondas dal dretg d'esters – l'uschenumnada Cunvegna davart la libra circulaziun. Quella possibilitescha a burgaisas ed a burgais da stadiis da la UE/AECL da vegnir a star en Svizra. Questa gruppera da personas represchenta passa 60 pertschient da las personas estras che viven en Svizra. Per la dimora da questas personas en Svizra valan per gronda part obligaziuns. Per burgaisas e burgais da terzs stadiis vala percuter senza restricziuns la Lescha federala davart las personas estras e quella suttametta bleras decisiuns da permissiun al giudicat dals chantuns. Per analisar la pratica dal dretg d'esters sa referescha quest rapport cunzunt a burgaisas ed a burgais da stadiis terzs.

## Noziun d'integrazion e grad d'inclusiun da las politicas chantunalas

Per determinar il grad d'integrazion da las migrantas e dals migrants che viven en Svizra sa basa questa retschertga sin la noziun d'integrazion dal dretg da migraziun che vegn utilisada dals chantuns. Bain ha il legislatur desisti fin oz d'ina definiziun legala da l'integrazion, ma in sguard sin la pratica administrativa mussa ch'igl existan numerus criteris per eruir il grad d'integrazion d'ina persuna. En la pratica da las autoritads valan las suandantas dimensiuns sco criteris impurtants per mesirar l'integrazion: la persuna immigrada respecta l'urden constituzional e las valurs da la Constituziun federala, ella emprenda la lingua naziunala che vegn discurrida al lieu da domicil, ella ha la voluntad da sa participar a la vita economica u da sa scolar e da sa furmar. Vitiers vegn il criteri «enconuscher las modas da viver da la Svizra» en il rom da la Lescha davart il dretg da burgais.

Ils criteris dal dretg d'esters che duain determinar il grad d'integrazion han il dischavantatg ch'els mussan mo ina part da l'integrazion effectiva da las migrantas e dals migrants. D'avantatg per questa retschertga è percuter

ch'igl existan directivas concretas a maun da las qualas i po vegnir cumpareglià, co che las autoritads applitgeschan ils criteris.

En il rom da questa retschertga è mintgamai vengnida classifitgada la politica da migraziun d'in chantun: ina politica chantunala da migraziun ha in aut grad d'inclusiun, sche las pretensiuns envers las personas immigradas èn bassas e sch'i vegnan concedidas bleras excepcions. Cuntrari a quai valan politicas chantunala da migraziun sco «excludentas», sch'ellas fan grondas pretensiuns d'integrazion e sch'ellas concedan paucas excepcions. Las politicas da migraziun effectivas dals chantuns sa chattan tranter queste dous pols. Questa caracterisaziun da la pratica chantunala na di nagut davart ils resultats resp. davart ils effects da la politica. Igl è tuttavia pussai-vel che las migrantas ed ils migrants che viven en in chantun sa participeschan per gronda part al martgà da lavur, cumbain ch'il chantun fa grondas pretensiuns d'integrazion envers ellias ed els. Talas cuntradizions tranter l'integrazion effectiva ed il grad d'inclusiun da la pratica da las autoritads èn pussaivlas, perquai che l'integrazion da las migrantas e dals migrants vegn favorisada tras blers auters facturs – per part informals – sco p.ex. quantas migrantas e quants migrants che chattan lavur sin il martgà da lavur.

## Survista dals resultats ils pli impurtants

Il chapitel 3 (purtrets dals chantuns) illustrescha a maun d'ina cumparegliazion da divers indicaturs, quant differentas che las condizioni fundamentalas èn en ils chantuns. Entant che singuls chantuns per gronda part «urbans» han bleras personas estras, èn ellias cleramain en la minoritat en auters chantuns. Suenter ina introduziun ed in pèr infurmaziuns per la lectura suonda ina survista comparativa davart la structura ed il svilup da la populaziun (estra) en ils 26 chantuns. Las illustraziuns mussan en forma grafica las caracteristicas socio-demograficas ed economicas las pli impurtantes dals chantuns. Quest chapitel permetta er da cumpareglier ils chantuns, siond ch'i vegnan preschentadas las tenutas politicas da las votantas e dals votants sco er las differentas quotas da naturalisaziun standardisadas.

Il chapitel 4 (naturalisaziun) preschenta d'ina vart las leschas chantunala davart il dretg da burgais – da l'altra vart vegnan mussads ils criteris formals e materials che las personas estras che vulan sa laschar naturalisar ston ademplier per survegnir il dretg da burgais. En la part deditgada als criteris da naturalisaziun formals vegnan consideradas las proceduras da naturalisaziun en general e l'existenza da facilitaziuns da procedura per juueniles en spezial. La part davart ils criteris materials mussa, co ch'ils chantuns controlleschan, sche las petentas ed ils

petents adempleschan las pretensiuns d'integrazion implicitas ed explicitas. Il chapitel vegn a la conclusiun ch'ins è anc londervi da formalisar ils criteris per mesirar il grad d'integrazion da las persunas estras. Ma a medem temp mussa il chapitel er l'importanza pratica da las pretensiuns d'integrazion diffusas per l'observaziun da l'urden giuridic.

En il chapitel 5 (dimora da lunga durada) vegnan preschentadas las basas legalas da las politicas d'integrazion dals chantuns sco er l'organisaziun da la promozion da l'integrazion. Ils puncts tematics principals èn la realisaziun da las cunvegnes d'integrazion e l'attribuzion anticipada da la permissiun da domicil. Evaluond ils questiu-naris davart l'applicaziun da la noziun d'integrazion s'è mussà cleramain che l'integrazion ha differentas signifi-caziuns en las duas situaziuns da permissiun dal dretg d'esters. Per surdar anticipadament la permissiun da domicil fixeschan ils chantuns mintgamai pretensiuns d'integrazion da rigur differenta. Las differentas situaziuns en las qualas vegnan applitgadas las cunvegnes d'integrazion na sa laschan dentant betg preschentar sin in'axa unidimensiunala per mesirar il grad d'inclusiun. Ils chantuns persequiteschan numnadament differentas finam-iras cun las cunvegnes resp. desistan per differents motivs d'applitar cunvegnes.

La part descriptiva dal chapitel 6 (admissiun) tracta l'emprim la moda e maniera, co che las autoritads chantunalas da migrazion funcziunan. Il chapitel analysescha quant rigurusas ch'en las pretensiuns d'admissiun per burgais e burgais da stadiis terzs en ils divers chantuns. Alura vegnan preschentadas las pretensiuns ch'ils chantuns fixeschan per la reunio da la famiglia. La terza part sa fatschenta cun la pratica dals chantuns en la dumonda da la prolongaziun da permissiuns suenter la separaziun d'ina letg. Il chapitel mussa che la noziun d'integrazion vegn applitgada en maniera dal tuttafatg differenta en il rom da la decisiun d'admissiun per lavurants qualifitgads da stadiis terzs, per la reunio famiglias ed en il rom da la prolongaziun permissiuns.

En l'emprima part dal chapitel 7 (asil) vegnan preschentads ils urdens chantunals da retschaviment per requirentas e requirents d'asil. Ils puncts centrals èn l'access al martgà da lavur, l'autezza da las prestaziuns socialas per las persunas che dumondan asil e per las persunas admessas provisoricamain sco er las differentas mesiras d'integrazion per las persunas dal sectur d'asil. Las differentas concepziuns da las condiziuns generalas attribue-scha il chapitel al fatg ch'ils chantuns cumbineschan di-versamain l'access al martgà da lavur e l'autezza da las mesiras statalas da sustegn resp. d'integrazion ch'els con-cedan a las persunas dal sectur d'asil. L'ultima part dal chapitel 7 examinescha, co che las autoritads chantunals

da migrazion interpreteschan la noziun d'integrazion en il rom da la regulaziun per cas gravants.

## Analisas statisticas

Il chapitel 8 mussa ils connexs tranter ils indicaturs statisticas e las politicas da migrazion dals chantuns. L'emprim è vegnida fatga ina «analisa bivariada da la regresiun»; l'analisa bivariada emprova da declarar la variaziun da la variabla dependenta (politicas da migrazion en ils chantuns) tras la variaziun da differentas variablas independentas (facturs structurals). En in segund pass è vegnida fatga ina «analisa multivariada da la regresiun»; cun questa analisa vegnan examinadas a medem temp pliras variablas statisticas, per eruir tge variabla che po declarar il meglier il connex tranter dus fenomens.

L'evaluaziun dals resultats da las analisas bivariadas (8.2) mussa che differents facturs structurals èn decisivs per la varietad – tut tenor la tematica. Il grad d'urbanisaziun po declarar las differenzas tar las naturalisaziuns e tar la surdada anticipada da permissiuns da domicil. La regiun linguistica è decisiva per l'applicaziun da las cunvegnes d'integrazion e per la naturalisaziun. Per ils cas gravants e per l'applicaziun da las cunvegnes d'integrazion è impurtanta la naziunalidad da las migrantas e dals migrants. La finala ha la cumposiziun da l'executiva ina influenza sin l'applicaziun da las cunvegnes d'integrazion.

Sche l'influenza da pliras variablas structuralas vegn examinada a medem temp en il rom d'ina analisa multi-variaida (8.3), observan ins ch'il grad d'urbanisaziun po declarar il meglier il caracter includend resp. excludend da la pratica dal chantun respectiv. Sch'ins emprova da chapir, tge ch'influenzescha ils differents grads d'inclusiun en ils chantuns, constattan ins ch'ils chantuns tscher-nan differentas cumbinaziuns da duas «strategias d'inclusiun», numnadament l'access al dretg da burgais chantunal e la consolidaziun dal dretg da dimora per persunas cun ina dimora da lunga durada.

L'ultima part dal chapitel d'analisa (8.4) è deditgada a l'effect da las differentas praticas e sa basa sin la quota chantunala da naturalisaziun standardisada. L'analisa bivariada illustrescha che l'influenza da la pratica da naturalisaziun dals chantuns sin la varietad da la quota da naturalisaziun è negligibla. Ina influenza signifitganta han percuter las variablas «instanza da decisiun sin plaun chantunal», «cumposiziun da l'executiva» e «te-nuta da las votantas e dals votants envers ils esters». En general surdattan las executivas pli savens il dretg da burgais che las legislativas. Ma la cumposiziun politica da las executivas chantunals gioga ina rolla en quest conex. Il cumporment da las votantas e dals votants tar

las votaziuns è il factur decisiv identifitgà en l'analisa multivariada.

### **Facit**

L'analisa da las praticas dals chantuns en ils secturs «natiralisaziun», «dimora da lunga durada», «admissiun» ed «asil» mussa che la noziun d'integrazion vegn applitgada en tut ils secturs dal dretg d'esters. Dapi che l'integrazion è daventada ina noziun che vegn duvrada en il dretg d'esters è ses cuntegn vegnì precisà. La realisaziun dals differents instruments giuridics en la pratica chantunala na succeda dentant ni en moda spezialmain sistematica ni en moda coerenta. Ils motivs per la mancanza d'ina sistematica èn ch'i dat differentas basas giuridicas, ch'il dretg da migrazion attribuescha differentas funcziuns a l'integrazion e ch'i dat divers conflicts da finamiras.

Causa la libertad da giudicament da las autoritads chantunales datti ina pratica unitara sulettamain en il rom da l'admissiun al martgà da lavur. En tut ils auters secturs predomineschan las differenzas. Differenzas resultan d'ina vart, perquai che las autoritads chantunales concretiseschan en moda diversa las noziuns giuridicas dal dretg federal che n'en betg definidas. Da l'autra vart mussan questas differenzas che la structura da basa da las regulaziuns vegn interpretada en maniera fitg multifara. Las divergenzas existentes vegnan valitadas differentamain, tut tenor la perspectiva: Entant che las autoritads chantunales apprezzieschan la pussaivladad d'adattar las prescripcziuns federalas a las circumstanças specificas en lur chantun, rendan tscherts experts attent al tractament inequal che resulta da quella.

Ina maioritad dals represchentants dals chantuns giavisch bain tschertas adattaziuns dal sistem, ina midada fundamentala dal sistem vegn dentant refusada. Siond che las personas intervistadas en il rom da la retschertga occupan ina posizion centrala en la realisaziun, n'è quai betg surprendent. Igl è dentant pauc probabel che las autoritads possian mantegnair il stadi actual a lunga vista, perquai che la normaziun e la mobilitad interchantunala da las migrantas e dals migrants pertutgads mettan pli e pli en dumonda il sistem actual.